



Broj: 01-16-4-2212-7/15

Datum: 23.09.2015 g.

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH,“ broj: 32/02 i 102/09), člana 64. stav (1) tačka b), člana 68. stav (1) i (4) tačka i) i člana 70. stav (1), (3) i (6) Zakona o javnim nabavkama („Službeni glasnik BiH,“ broj: 39/14) i Preporuke Komisije za nabavke, broj: 01-16-4-2212-5/15, od 11.09.2015. godine, donosi sljedeću:

ODLUKU

o izboru najpovoljnijeg ponuđača za nabavku polubijelog hljeba 500 gr.

I

Prihvata se Preporuka Komisije za nabavke, broj: 01-16-4-2212-5/15, od 11.09.2015. godine da se ponuđač **Klas d.d. Sarajevo**, prvi i jedini na rang listi prihvatljivih ponuda, izabere za najpovoljnijeg ponuđača za nabavku polubijelog hljeba 500 gr.

Dodjeljuje se Okvirni sporazum o isporuci polubijelog hljeba 500 gr. izabranom ponuđaču **Klas d.d. Sarajevo**, ponuda 1534/15 od 09.09.2015. godine, za ponuđenu cijenu od 11.700,00 KM bez PDV-a.

II

Odbacuje se kao neprihvatljiva ponuda ponuđača **Pekarna „Julija 036,, Mostar**, jer je neuredna, nepotpuna i ne ispunjava zahtjeve iz tenderske dokumentacije.

Odbacuje se kao neprihvatljiva ponuda ponuđača **Sprind d.d. Sarajevo**, jer je neuredna i ne ispunjava zahtjeve iz tenderske dokumentacije.

Odbacuje se kao neprihvatljiva ponuda ponuđača **P.I. „ Gradska pekara“ d.o.o. Jablanica**, jer je neuredna, sadrži formalne nedostatke i ne ispunjava zahtjeve iz tenderske dokumentacije.

III

Okvirni sporazum o isporuci polubijelog hljeba 500 gr. će se dostaviti na potpis izabranom ponuđaču po isteku roka od 10 (deset) dana od dana dostavljanja obavještenja o izboru najpovoljnije ponude svim učesnicima postupka nabavke. Okvirni sporazum će se zaključiti na period od godinu dana od dana njegovog potpisivanja i do vrijednosne realizacije.

Izabrani ponuđač je dužan dostaviti dokaze o kvalificiranosti u roku od 3 (tri) dana nakon što bude obaviješten od strane ugovornog organa o rezultatima postupka nabavke, a prema tački 13.1 tenderske dokumentacije.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti u dijelu koji se odnosi na izbor najpovoljnijeg ponuđača i dodjelu Okvirnog sporazuma.

IV

Za izvršenje ove odluke se ovlašćuje i zadužuje Odsjek za opće i pravne poslove i Odsjek za finansijsko-materijalne poslove Ministarstva za ljudska prava i izbjeglice BiH (u daljem tekstu: Ministarstvo).

V

U skladu sa članom 70. stav (6) Zakona o javnim nabavkama, ova odluka će se objaviti na web stranici Ministarstva, www.mhrr.gov.ba i istovremeno uputiti svim ponuđačima koji su učestvovali u postupku javne nabavke.

VI

Ova Odluka stupa na snagu danom donošenja i ista će se, u skladu sa članom 71. stav (2) Zakona o javnim nabavkama, uz zapisnik o ocjeni ponuda i obavještenje o rezultatima postupka, dostaviti svim ponuđačima koji su učestvovali u postupku javne nabavke.

Obrazloženje

Postupak javne nabavke polubijelog hljeba 500 gr. je pokrenut Odlukom o pokretanju postupka nabavke polubijelog hljeba 500 gr, broj: 01-16-4-2212/15 od 25.08.2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost nabavke je iznosila 14.529,92 KM bez PDV-a. Obavijest o nabavci, broj: 679-7-1-14-3-7/15 objavljena je dana 25.08.2015. godine na Portalu javnih nabavki.

Konkurentski zahtjev za dostavu ponuda za nabavku polubijelog hljeba 500 gr. je prosljeđen sljedećim ponuđačima: Pekarna Makaena Mostar, Klas d.d. Sarajevo, Pekarna Julija Mostar i PI Gradska pekara d.o.o. Jablanica. Drugi ponuđači Ministarstvu nisu podnijeli zahtjev za preuzimanje tenderske dokumentacije.

Komisija za nabavke, imenovana Odlukom o imenovanju, broj: 01-16-4-617/15, od 11.03.2015. godine, dostavila je Zapisnik o pregledu i ocjeni ponuda, broj: 01-16-4-2212-4/15 od 10.09.2015. godine i Preporuku o izboru najpovoljnijeg ponuđača, broj: 01-16-4-2212-5/15 od 11.09.2015. godine, u postupku javne nabavke polubijelog hljeba 500 gr.

Na osnovu naprijed navedenog, utvrđeno je da je Komisija za nabavke blagovremeno i pravilno izvršila otvaranje ponuda i ocjenu dospjelih ponuda, o čemu je sačinila zapisnike, uvidom u koje je utvrđeno sljedeće:

- da je ukupan broj pristiglih ponuda 4 (četiri),
- da je blagovremeno zaprimljeno 4 (četiri) ponude,
- da nije bilo neblagovremeno zaprimljenih ponuda,
- da je dat prijedlog da se 3 (tri) ponude odbace,
- da je ponuda Klas d.d. Sarajevo prva i jedina na rang listi prihvatljivih ponuda.

Komisija za nabavke je u postupku razmatranja prihvatljivih ponuda, izvršila ocjenjivanje i rangiranje istih na osnovu kriterija najpovoljnije cijene, kako slijedi:

1. Klas d.d. Sarajevo 11.700,00 KM bez PDV-a.

Na osnovu utvrđene rang liste prihvatljivih ponuda, jedina prihvatljiva ponuda je ponuda ponuđača Klas d.d. Sarajevo u iznosu od 11.700,00 KM bez PDV-a.

Na osnovu člana 68. stav (1) i (4) tačka i) Zakona o javnim nabavkama, Komisija je utvrdila da su ponude Pekarne „Julija 036,, Mostar, Sprind d.d. Sarajevo i P.I. „ Gradska pekara“ d.o.o. Jablanica neprihvatljive i iste je potrebno odbaciti iz sljedećih razloga:

- Ponuđač Pekarna „Julija 036,, Mostar je dostavio neuredno popunjen Aneks 2 Obrazac za ponudu, odnosno u obrascu pod „Broj nabavke:“ i „Broj obavještenja sa Portala JN:“ nije ništa upisano, a tačkom 5. „Izjava ponuđača“ je upisano da ponuda važi 7 dana, odnosno do 10.09.2015. godine, dok je tenderskom dokumentacijom propisano da je period važenja ponude 60 dana, računajući od isteka roka za podnošenje ponuda. Nadalje, u Aneksu 5 Obrazac izjave o podugovaranju nije zaokružena niti jedna od ponuđenih opcija izjave, a u napomeni obrasca je jasno navedeno da je ponuđač dužan zaokružiti jednu od ponuđenih opcija koje se odnose na podugovaranje. U Aneksu 6 Obrazac izjave o obaveznoj primjeni preferencijalnog tretmana domaćeg nije zaokružena niti jedna od ponuđenih opcija izjave, a u napomeni obrasca je jasno navedeno da je ponuđač dužan zaokružiti jednu od ponuđenih opcija. Aneks 7 Nacrt Okvirnog sporazuma nije dostavljen.

Zbog svega naprijed navedenog, ponuda ponuđača Pekarna „Julija 036,, Mostar je neprihvatljiva iz razloga što je neuredna, nepotpuna i ne ispunjava zahtjeve iz tenderske dokumentacije, te se ista odbacuje.

- Ponuđač Sprind d.d. Sarajevo je dostavio neuredno popunjen Aneks 2 Obrazac za ponudu, odnosno u obrascu pod „Broj nabavke:“ i „Broj obavještenja sa Portala JN:“ nije ništa upisano. Nadalje, u Aneksu 5 Obrazac izjave o podugovaranju- zaokružena je opcija a) da preduzeće koje dostavlja ovu ponudu ima namjeru podugovaranja u iznosu od 100% (upisano od strane ponuđača) ukupne cijene prihvaćene ponude, što je u suprotnosti sa odredbama člana 73. stav (1) Zakona o javnim nabavkama BiH kojim je propisano da ugovorni organ ne može zabraniti podugovaranje, ali može tražiti od kandidata/ponuđača da se izjasni da li namjerava dio ugovora podugovaranjem prenijeti na treće strane. Iz ovoga proizlazi namjera ponuđača da cijeli ugovor realizira podugovaranjem, dok je Zakonom jasno propisano da se podugovarati može samo dio ugovora.

Zbog svega naprijed navedenog, ponuda ponuđača Sprind d.d. Sarajevo je neprihvatljiva iz razloga što je neuredna i ne ispunjava zahtjeve iz tenderske dokumentacije, te se ista odbacuje.

Ponuđač P.I. „ Gradska pekara“ d.o.o. Jablanica je dostavio popunjen Aneks 1 Obrazac za cijenu ponude-robe koji sadrži formalni nedostatak, odnosno u tabeli obrasca pod „Ukupna cijena sa popustom bez PDV-a“ nije upisana cijena, nego je stavljena crtica. Ističemo da je u napomeni obrasca jasno navedeno da cijene moraju biti izražene u KM, te ovim ponuđač nije ispoštovao zahtjev ugovornog organa da cijene izrazi u KM. Nadalje u Aneksu 2 Obrazac za ponudu pod „Broj nabavke:“ i „Broj obavještenja sa Portala JN:“ nije ništa upisano, dok pod tačkom 3. „Cijena ponude (obavezno popuniti)“ nije popunjen dio „Ukupna cijena naše ponude (bez PDV-a) i sa uključenim popustom iznosi ___ KM ili slovima ___“.

Slijedeći praksu Ureda za razmatranje žalbi BiH koji je Rješenjem broj: UP2-01-07.1-368-7/15 od 13.05.2015. godine usvojio žalbu koja se odnosila, između ostalog, i na Obrazac za cijenu ponude u kojem nije bila upisana cijena od strane ponuđača, te je postupak vraćen ugovornom organu na ponovno odlučivanje, ova ponuda je neprihvatljiva.

Na osnovu naprijed navedenog, ponuda ponuđača P.I. „ Gradska pekara“ d.o.o. Jablanica je neprihvatljiva iz razloga što je neuredna, sadrži formalne nedostatke i ne ispunjava zahtjeve iz tenderske dokumentacije, te se ista odbacuje.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti i ponude ponuđača Klas d.d. Sarajevo, a u skladu sa kriterijima iz tenderske dokumentacije.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.

S tim u vezi, utvrđeno je da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač Klas d.d. Sarajevo je izabran primjenjujući kriterij „najniža cijena“.

U skladu sa naprijed navedenim, i primjenom člana člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Uputa o pravnom lijeku:

Protiv ove Odluke se može izjaviti žalba Ministarstvu za ljudska prava i izbjeglice BiH u roku od 5 (pet) dana od dana prijema ove Odluke.

**MINISTRICA**
Semiha Borovac
Semiha Borovac

Dostaviti:

- Ponuđači-svi,
- Odsjek za opće i pravne poslove,
- Odsjek za finansijsko-materijalne poslove,
- a/a.